



# MEMORIA ECONÓMICA – FINANCEIRA

## PROXECTO DE MODIFICACIÓN DA RELACIÓN DE POSTOS DE TRABALO E DO CADRO DE PERSOAL DA AXENCIA TURISMO DE GALICIA



## **MEMORIA ECONÓMICO - FINANCEIRA DO PROXECTO DE MODIFICACIÓN DA RELACIÓN DE POSTOS DE TRABALLO E DO CADRO DE PERSOAL DA AXENCIA TURISMO DE GALICIA**

O Decreto 42/2024, do 14 de abril, polo que se establece a estrutura orgánica da Xunta de Galicia, fundamentada nos criterios de eficacia que inspiran a actuación e a organización administrativa. Posteriormente, o Decreto 48/2024, do 22 de abril, polo que se establecen os órganos superiores e de dirección dependentes da Presidencia da Xunta de Galicia, adscribiu á Presidencia da Xunta de Galicia a Axencia de Turismo de Galicia, que se axustará nos seus fins, estrutura e funcionamento ao disposto na Lei 7/2011, do 27 de outubro, do turismo de Galicia, no Decreto 196/2012, do 27 de setembro, polo que se crea a Axencia de Turismo de Galicia e se aproban os seus estatutos, e demais normas de aplicación.

O artigo 41.2.b) da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, esixe no procedemento de elaboración de disposicións regulamentarias, unha memoria económico-financeira que conteña a estimación do custo ao que poida dar lugar e, de ser o caso, a súa forma de financiamento. Así mesmo, a Orde da Consellería de Facenda, do 3 de marzo de 2011, pola que se establece o contido mínimo da memoria económico-financeira, nos casos de iniciativas lexislativas ou de aprobación de normas con rango regulamentario, plans ou programas de actuacións, establece unha metodoloxía propia para a elaboración das memorias económico-financeiras.

A relación de postos de traballo (RPT) é o instrumento técnico ao través do cal se realiza a ordenación do persoal, de acordo coas necesidades dos servizos, precisando os requisitos para o desempeño de cada posto e comprendendo a denominación, características esenciais deles, requisitos esixidos e determinación das retribucións complementarias.

A vixente relación de postos de traballo da Axencia Turismo de Galicia, foi aprobada polo Acordo do Consello da Xunta do 15 de xullo de 2015, que se publicou por Resolución da Consellería de Facenda do 16 de xullo de 2015 (DOG núm. 138, do 23/07/2015). Posteriormente, realizouse unha modificación aprobada polo Acordo do Consello da Xunta de Galicia do 4 de agosto de 2022, que se publicou por Resolución da Consellería de Facenda e



Administración Pública do 9 de agosto de 2022 (DOG núm. 153, do 11/08/2022), e unha modificación aprobada polo Acordo do Consello da Xunta de Galicia do 2 de marzo de 2023, que se publicou por Resolución da Consellería de Facenda e Administración Pública da mesma data (DOG núm. 44, do 3/03/2023).

Ademais, no cadro de persoal da axencia figuran cento trinta e nove (139) postos (persoal propio da entidade), a raíz da incorporación dos postos de traballo da Sociedade de Imaxe e Promoción Turística de Galicia, S.A., do Consorcio Instituto de Estudos Turísticos e da S.A. Xestión do Plan Xacobeo á Axencia Turismo de Galicia, segundo se establece na disposición adicional cuarta do Decreto 196/2012, do 27 de setembro, polo que se crea a Axencia de Turismo de Galicia e se aproban os seus estatutos. Os cadros de persoal das entidades que se extinguiron ou modificaron o seu obxecto social son os instrumentos de xestión do persoal nesta axencia ata que se aprobe a relación de postos de traballo correspondente.

Tendo en conta o anterior, e tomando como referencia o artigo 69 do Real Decreto Lexislativo 5/2015, que establece no seu punto 1, que a planificación dos recursos humanos nas Administracións Públicas terá como obxectivo contribuír á consecución da eficacia na prestación dos servizos e da eficiencia na utilización dos recursos económicos dispoñibles mediante a dimensión adecuada dos seus efectivos, a súa mellor distribución, formación, promoción profesional e mobilidade, propóñense as seguintes modificacións na RPT da Axencia Turismo de Galicia.

## **MODIFICACIÓNS QUE SE PROPOÑEN:**

A continuación expóñense de xeito pormenorizado as modificacións propostas, que supoñen a creación de catro postos e a amortización doutros catro postos, para atender axeitadamente ás necesidades actuais da Axencia Turismo de Galicia.

A repercusión económico-financeira para facer fronte ás creacións propostas estímase nun custo total de 177.936,10 €, en base ao establecido na Lei 4/2024, do 27 de decembro, de orzamentos xerais da Comunidade Autónoma de Galicia para o ano 2025, segundo o seguinte detalle:





## 1. Creación de postos

### AXENCIA DE TURISMO DE GALICIA – APLICACIÓN ORZAMENTARIA 04 A2 761A

TP	LIÑA	CÓDIGO POSTO	DENOMINACIÓN	GR	NIV /CAT	MASA SALARIAL	SEG. SOCIAL	CUSTO TOTAL
F	3663	PXA201000215770015	Xef. Sección Contabil. Financeira	A1	25	42.184,17	12.655,25	54839,42
F	3663	PXA201000215770051	Xefatura Sección Obras	A1	25	42.184,17	12.655,25	54839,42
F	1536	PXA201000515770016	Técnico Cociña I	C1	18	26.252,79	7.875,84	34128,63
F	1536	PXA201000515770017	Técnico Cociña II	C1	18	26.252,79	7.875,84	34128,63
TOTAL						136873,92	41062,18	177936,1

O custe que supón a creación dos citados postos está orzamentado nos orzamentos xerais da Comunidade Autónoma para o ano 2025.

## 2. Amortización de postos

A repercusión económico-financeira das amortizacións propostas estímase nun custo total de 160.449,10 €, en base ao establecido na Lei 4/2024, do 27 de decembro, de orzamentos xerais da Comunidade Autónoma de Galicia para o ano 2025., segundo o seguinte detalle:

### AXENCIA DE TURISMO DE GALICIA – APLICACIÓN ORZAMENTARIA 04 A2 761A

TP	LIÑA	CÓDIGO POSTO	DENOMINACIÓN	GR	NIV /CAT	MASA SALARIAL	SEG. SOCIAL	CUSTO TOTAL
Laboral Propio	2553	PX_EXT49	Xestor/a	SG		36.887,06	11.066,12	47953,18
Laboral Propio	3504	PX_EXT42	Titulado/a Medio	II		28372,92	8.511,88	36884,8
Laboral Propio	2553	PX_EXT88	Xestor/a	SG		36.887,06	11.066,12	47953,18
F	1545	PXA200000315770035	Posto base subgrupo C2	C2	12	21.275,34	6.382,60	27657,94
TOTAL						123422,38	37026,72	160449,1



En resumo, esta é a relación de prazas a crear (4) e a amortizar (4), para dar resposta ás necesidades actuais da Axencia Turismo de Galicia:

Nº	CREACIÓN	AMORTIZACIÓN
1	<b>Xef. de Sección Contabilidade Financeira</b> PX.A29.10.002.15770.015 (RPT)	<b>Xestor/a Área de Xestión Econ. e de Persoal</b> PX_EXT49 (NON RPT)
2	<b>Xefatura Sección Obras</b> PX.A29.10.002.15770.051 (RPT)	<b>Xestor/a I TUP</b> PX_EXT88 (NON RPT)
3	<b>Técnico Cociña I</b> PX.A29.10.005.15770.016 (RPT)	<b>Titulado/a Medio</b> PX_EXT42 (NON RPT)
4	<b>Técnico Cociña II</b> PX.A29.10.005.15770.017 (RPT)	<b>Posto base subgrupo C2</b> PX.A20.00.003.15770.035 (RPT)

As amortizacións propostas financiarán a modificación da RPT da Axencia Turismo de Galicia (Presidencia da Xunta), tendo en conta que a diferenza económica existente entre a creación e a amortización de postos, **dezasete mil catrocentos oitenta e sete euros (17.487,00 euros)**, será asumida con fondos propios.

En Santiago de Compostela, na data da sinatura dixital

O director da Axencia Turismo de Galicia  
José Manuel Merelles Remy

**DIRECCIÓN XERAL DE EMPREGO PÚBLICO E ADMINISTRACIÓN DE PERSOAL**  
**DIRECCIÓN XERAL DE ORZAMENTOS E FINANCIAMENTO AUTONÓMICO**

